

الأسبوع 21-09-2008

387- التدريب عن بعد:الإشراف على العلاج النفسى (18)

مرة أخرى، الأولاد: المشروع الاستثمارى

حالة (1)

د. عبده أحمد: هو حاله حضرتك مولهاى بقالها دلوقتى معايا سنتين تقريبا، شاب عمره دلوقتى 20 سنه ماشى فى الـ 21 فى سنة تانية كليه الطب جامعة إقليمية

د. يحيى: آه فاكده، أخباره إيه؟

د. عبده أحمد: أخباره مش تمام، يادوب نجح فى مادتين سهلين

د. يحيى: طب وبعدين

د. عبده أحمد: يعنى هو زى مايكون كل ما نيجى نواجهه بالموقف بتاعه يقول انا عاوز اتقدم، أنا عندى أمل، مش عارف ايه، نفس الكلام ، هو هو

د. يحيى: وبعدين؟

د. عبده أحمد: وبعدين الاهل موقفهم مايح، أنا مش مصدقهم، عمالين يقولوا موافقين موافقين، يعنى بيقولوا إعملوا كل اللي انتوا شايفينه مناسب إنشا الله حتى لو يسبب الكلية خالص، أو يسبب الدراسه خالص، شكلهم كده يعنى إن هما عايزين يفهمونا إنهم حاطين ثقتهم فينا

د. يحيى: لا يا شيخ ، بأماره إيه!!

د. عبده أحمد: ما انا مش مصدقهم طبعاً

د. يحيى: أنا فاكده أخوه كان معاه لما جه الكشف أول مرة، حاجة زى كده

د. عبده أحمد: اخوة سبقه فى الطب برضه

د. يحيى: سبقه!! دا أصغر منه!

د. عبده أحمد: بقى فى سنة تالته

د. يحيى: طبيب واخته؟ أظن هى كانت فى نفس السكة برضه.

د. عبده أحمد: اخته بقت معاه

د. يحيى: كده!! كده!؟

د. عبده أحمد: أيوه

د. يحيى: اسم الله، اسم الله! وبعدين
د. عبده أحمد: وبعدين انا مش عارف اعمل اية الحقيقة، يعني فكرت يدخل المستشفى للتاهيل ويذاكر، حصل يحيى أسبوعين ما نفعلش، خرجته، قلت يحيى المستشفى النهارى ، النتيجة هى هى.

د. يحيى: وبعدين؟ هو ما عندوش أى أعراض ثانية غير الوقفة دى؟

د. عبده أحمد: هو سلى على طول الخط، حسب كلامهم معنى هو ما عندوش اى أعراض ثانية غير شوية شكوك على أخته وحاجات زى كد، وحتى دى اختفت كلها مافيش دلوقتى غير أعراض سلبية اللى هى الإقامة المتصلة فوق السرير

د. يحيى: سرير انفرادى يعنى؟

د. عبده أحمد: تقريبا

د. يحيى: والسؤال بقى؟

د. عبده أحمد: ما انا سألت، هو بياخذ دلوقتى أدوية بجرعات محترمة بشأن الأعراض السلبية دى

د. يحيى: عايز الحق ولا ابن عمه

د. عبده أحمد: ابن عمه

(ضحك)

د. يحيى: انا من يوم ما شفتة من اقبل ما احواله لك باسبوع أو اسبوعين وأنا حاسس بالشعور ده إالى انت حاسس بيه دلوقتى، كنت حاسس برضه إنى مش عارف اعمل له حاجة، بس كان أيامها بقى كنت حاطط اللوم على اهله ، كنت حاسس إن المصنع اللى أقاموه فى الخليج له وظيفتين، إنه يجيب فلوس ويدخل العيال الطب، واهو كله استثمار، ما دام أبوهم بيكسب فلوس ومضى ومتغرب، يبقى لازم يحقق أحسن حاجة فى كل حاجة، أحسن عيال، وأحسن نمر، وأحسن كلية، وأحسن مفرش سفرة، وأحسن طقم صالون، وكلام من ده، إحنا قلنا الحكاية دى كذا مرة، كأنها بقت قاعدة، تلاته فى كلية الطب، باسم الله ما شاء الله، إثنين سلكوا، يبدوا إنهم بقوا شركا فى المشروع، وواحد رقد فى الخط راح واقف وقال مش لاعب، مش عايز، مش أنا، بس ما اعرفشى يحط بديل، قال لأ وانسحب لزنزانة العيا الانفرادى على المرتبة فى أودته، يعنى يا عم الدكتور عبده عايزن بعد كده أثق فى وعود الأهل الغلبة دول لم يقولوا لك إعملوا اللى انتو عايزينه، أهو كله كلام!

أنا باخد عليك وعلى إن المدة طالت زيادة عن اللزوم، لو كنا وضعنا الحكاية أبيض واسود من الأول يمكن كانوا فاقوا، بس الصعوبة إنهم مسافرين، ما فيش هنا معاه غير أخوه واخته اللى ماشيين زى القطر، أنا عادة لما باعرض العرض البديل ده، بيبقى زى الصدمة، باقولهم يا إما يشتغل بكره بكره، سبع ساعات يوميا، أو حتى بالتدريج نبتدى

ساعتين عمل يدوى تزداد ساعة كل أسبوع، وعمل بحق وحقيق، يا إما يذاكر فوراً ويروح الكلية يومياً ونتابعه كأنه في سنة أولى روضة واللى يحصل يحصل، وهو اللى يختار، الولد عادة ساعتهما يبتسم ويبص لأهله عشان عارف إنه ضامنهم إنهم بعد كل الغربة والشقاء ده مش حا يقدرُوا يشوفُوا ابنهم يشتغل عمل يدوى، أنا ليه باقول لك الكلام ده، عشان حكاية إن احنا تأخرنا فعلاً، أن بافكر بحكاية "يشتغل بكره دى"، مش بعد سنة ونص يا عم عبده، هم بيقلوا يسبب الدراسة، أو يسبب الطب بس إيه اللى جوا جواهرهم، هما مش مستعدين إنهم يعلنوا إن تلت المصنع اتقف، مع إن المسألة خسارة العين مرور الوقت، خلى بالك إن الزمن مش فى صالحنا، المخ بيكسل يجمع ويربط لحد ما يقف، والإرادة بتتشل، والعواطف بتتبدل، بمرور الوقت، ونتيجة للحبس الانفرادى فوق مرتبة السرير، تلاقى التشخيص اتحول من صعوبة تكيف وموقف احتجاجى إلى شلل عام بقى زى ما انت عارف، وهات يا شيزوفرينيا وكلام من ده، والحكاية بدأت بقلّة المذاكرة لواحد متفوق زيه زى اخواته، والإخراج لما تحاول تفهمهم أصل وفصل الحكاية، يقولوا لك إشعنى اخواته، ماهم فى نفس الظروف، عندهم حق، بس الاختلافات الفردية بتسمح بكل التباديل السلبية والإيجابية،

د. عبده أحمد: يعنى نعمل إيه دلوقتى؟

د. يحيى: إذا كان الاهل جادين وانا مازلت بعد سنتين باشك فى جديتهم، مش باتهمهم يعنى، لأ دى مسألة إنقاذ ما يمكن إنقاذه، إذا كانوا جادين فعلاً نبتدى مغامرة الرجوع إلى أرض الواقع، نوقف قيده رسمى، ويشتغل بكره، واللى يحصل يحصل. خلى بالك وقف القيد غير سحب الأوراق، أنا ساعات باغامر بسحب الأوراق لما الاقى اللاشعور بتاعهم أو بتاعه بيلاعبنى، إنما بشرط واضح إنه يشتغل 8 ساعات مع واحد معلم حلو، أظن لو الحكاية جد جد، شهر اتنين خمسة حايقول "حقى برقبتي"، ويرجع يتفوق تانى وبعدين تفرج بعد ما يتخرج، الاحتمال التانى اللى هو العين، وما باحبوش هو إنه يحول من كلية طب الى كلية ما لهاش أى لازمة، عنده أو عندهم، أهى شهادة والسلام، وأنا ما اضمنشى ساعتهما حايكمل مجدية ولا لأ.

د. عبده أحمد: يعنى ابدأ معاها ومعاهم تانى بهذا الشكل؟

د. يحيى: طبعاً ربنا بقدرك

د. عبده أحمد: بهذا الوضوح ؟

د. يحيى: أيوه، بس أنا رأيي تضمن الأهل الأول، إوعى تفتكروا إننا تأخرنا يعنى نبطل محاولة، تأخرنا، ماشى، لكن ملحوقه، ويمكن قبل كده الأهل كانت حا تبقى مقاومتهم أكبر.

د. عبده أحمد: إزاي

د. يحيى: خلى بالك، الاهل ها يقولو لك اعملوا اللى انتو عايزينه، إوعى يسرقوك يوم بعد يوم تانى، بكره يعنى بكره،

نبقى يوم التلات تقولهم يروح لورشة الميكانيكى الى جنبكو
يوم الاربع، وتدوا للمعلم الميكانيكى فلوس عشان يشغله
بلية عنده، 8 ساعات يوميا، احواجات يقولوا لك حرية ومش
حرية، إحنا بلد غلبة مش حمل الكلام ده، الحرية هى إنه يخف
ويستقل مش يقعد على المرتبة عالة على أهله بقية عمره، لما
تبقى الحكومة تعمل تأمينات، وتستغنى عن اللي زيه طول
العمر يبقوا يقولوا حرية، إنما طول ما احنا هنا غلبة،
والناس بتثق فينا، نعمل كل الصاخ لحد ما العيان يرجع
كائن حى نافع، واللى يحصل يحصل، مش كده ولا إيه؟

د. عبده أحمد: کده، ربنا یسهل

د.یحییٰ: حایسہل، ما دام نعمل الیٰ علینا، حایسہل.